

LECTIO IV.

Cum Petrus Nolascus natione Gallus, vir opibus florens & insigni pietate praeditus, cujus confessiones B. Raymundus audiebat, qui in pauperes, ac praecipue Captivos dura servitute ab infidelibus detentos propensissimus erat, nullumque officii genus unquam intermisit, quo eos liberare posse existimaret. Quorum hoc etiam majorem curam, & sollicitudinem gerendam esse consuebat, quo in graviore periculo Christianae fidei abjurandae, & amittendae salutis perirent, hortatu eius ad inopes alendos, & maxime ad captivos ex Barbarorum vinculis redimendos suas copias, & opes magna cum alacritate, & libentissimo animo conferret, egregium plii, ac liberalis animi officium, pro sua infinita bonitate gratum Deus habuit. Sicut Cedrus, &c.

LECTIO V.

Nam proxima nocte insequenti Beatissima Virgo Dei Mater eidem Petro, qui sanctis meditationibus, & orationi vacans cogitabat, qua ratione calamitatibus Christianorum in captivitate degentium succurrere posset, serena fronte se conspiciendam dedit, & acceptissimum sibi ac unigenito suo filio fore dixit, si suum in honorem institueretur Ordo Religiosorum, quibus cura incumbere Captivos a tyrannide Turcarum liberandi. Ac illa ipsa nocte eadem Virgo Sanctissima Beato Raymundo, & Jacobo primo Aragonum Regi apparuit id ipsum de Religiosis admonens. Quae est ista, &c.

LECTIO VI.

Quare hi collatis inter se consiliis, & consentientibus animis Ordinem B. Mariae de Mercede Redemptionis captivorum fundaverunt. Cui B. Raymundus certas vivendi leges praescripsit ad ipsius Ordinis vocationem accommodatissimas; quarum approbationem aliquot annis post a felicitis recordationis Gregorio IX. impetravit, & dictum Petrum, qui eidem Ordini omnia sua prompte dederat, primum etiam Generalem Ordinis Magistrum suis ipse manibus habitu eodem indutum creavit. Ornatam monilibus, &c.

Dat. P. A. 12. die 12. Junii.

Datum Romae apud S. Mariam Majorem, sub annulo Piscatoris, die 12. Junii 1616. Pontificatus nostri anno duodecimo.



CONST. XIV.

GREGORII XV.

Summarium literarum in forma Brevis.

Confirmat Pontifex Concordiam initam inter fratres Calceatos, & Discalceatos Ordinis B. Mariae de Mercede Redemptionis captivorum, super separatione Congregationis eorundem Discalceatorum a Calceatis, cum conditionibus, & limitationibus in ea contentis, citra tamen dispensationem super quarto voto.

Edict. A. D. 1621.

GREGORIVS PAPA XV. Ad perpetuam rei memoriam.

7. 10. 1000.

Apostolici muneris sollicitudo, divina dispensatione, nullo licet merito nostro, nobis imposita postulat, ut circa statum Religiosarum personarum quarumlibet, illarum praesertim, quae sub strictioris religionis iugo gratum Deo famularum exhibere desiderant, invigilantes, ad ea, per quae religiose personae huiusmodi in laudabili eorum instituto, sublati impedimenti quibus-

libet perseverare valeant, sedulo intendamus, prout conspiciamus salubriter in Domino expedire.

§. 1. Cum itaque, sicut accepimus, inter dilectos filios fratres Ordinis B. Mariae de Mercede Redemptionis Captivorum Calceatos ex una, ac fratres ejusdem Ordinis Congregationis Discalceatorum nuncupatorum ex altera partibus infra scripta Capitula, occasione separationis ac totalis dismembrationis fratrum Discalceatorum praedictorum a fratribus Calceatis huiusmodi, de mandato dilecti fratris nostri Gasparis tituli Sanctae Crucis in Hierusalem Presbyteri Cardinalis de Borgia nuncupati, ejusdem Ordinis apud nos, & Apostolicam Sedem Protectoris, intervenientibus, & assistentibus dilectis filiis Joanne de Antillon uti Vicario Generali, & Provinciali, ac Procuratore generali in Romana Curia, & Petro de Guzman Procuratore Provinciae Castellae ejusdem Ordinis, necnon Didaço de Sancto Paulo ejusdem Congregationis Procuratore generali, inita fuerint tenoris subsequentis, &c.

§. 2. In primis statuitur, quod supplicetur Suae Sanctitati nomine partium supradictarum, ut pro hac vice dumtaxat dignetur nominare unum Vicarium Generalem Recollectum, qui habeat eandem auctoritatem, jurisdictionem, praesentiam, & superioritatem super omnibus Recollectis, illiusque monasteria utriusque sexus quam habet Reverend. Generalis super totam Religionem Calceatorum. Et qui similiter possit nominare Provinciales, definitores, & electores ac Procuratores generales Provinciarum Castellae & Beticae, ac Siciliae pro hac vice tantum, & assignare locum, in quo sit celebrandum Capitulum generale futurum, & dividere, & nominare Provincias.

§. 3. Item quod Vicarius generalis Apostolicus gubernet Recollectionem uti supremum caput a die notificationis Bullae, seu motus proprii emanandi in confirmationem horum Capitulorum usque ad primum Capitulum generale celebrandum in die Pentecostes anni proxime venturi 1622. in quo poterit reeligi, si sic bene visum fuerit convenire Recollectioni.

§. 4. Item quod die Pentecostes anni 1622. in posterum futuris perpetuis temporibus quolibet sexennio debeat celebrari Capitulum generale Recollectionis in die Pentecostes, servando in omnibus ordinem, qui servatur a Patribus Calceatis, interim quod non fiant constitutiones a Discalceatis.

§. 5. Item quod vox, tam activa quam passiva pro electione huiusmodi Vicarii generalis solum competat Religiosis Recollectis, absque eo quod Patres Calceati, & eorum Reverend. Generalis possint modo aliquo concurrere, neque intervenire in illa, neque in aliis actibus capitularibus.

§. 6. Item quod Vicarius generalis Apostolicus eligat in qualibet Provincia unum Procuratorem generalem, & quatuor Definitores, ad quos pertineat una cum Procuratore generali Rom. Curiae electio futuri Vicarii generalis, qui debeat residere, vel nominare Praesidentem in omnibus Capitulis.

§. 7. Item quod si contigerit Vicarium generalem Apostolicum ex vita migrare ante nominationem Provincialium, in tali casu succedat in officio ejusdem Vicarii generalis Commissarius qui fuerit Beticus, & illius defectu Commendator qui tunc temporis erit Monasterii S. Barbarae Oppidi Madriti, & eo non existente Commendator Recollectus Civitatis Hispanensis, & in defectu talis Commendatoris ille qui fuerit Monasterii nuncupati de San Lucar de Barrameda: quod si talis mors eveniat facta jam nominatione Provincialium, tunc temporis succedat in dicto officio Vicarii generalis Provincialis ejusdem Provinciae cujus erat Vicarius generalis, & eo deficiente Vicarius Provincialis, & illo non existente, Diffinitor antiquior ejusdem Provinciae.

§. 8. Item quod Reverend. Generalis, & Procuratores Provinciales Calceati renuntient omni meliori modo de jure locorum habenti Jurisdictionem, potestati, Superioritati, praesentiae illis quomodolibet spectantium, vel quae in futurum quomodolibet

quomodolibet potestate spectato, vel pertinere super Recol-
lectione illius monasterii utriusque sexus.

§. 9. Item quod similiter renuntiant actioni interveniendi Capitulis generalibus, & provincialibus Disca-
ceatorum, in quibus nullus Calceator.

§. 10. Quod similiter Patres Calceati renuntiant om-
ni Superioritati, Jurisdictioni, electioni, & actioni quo-
modolibet competentibus illis, vel pro tempore compe-
tituris ad obtinendas Prælationes in monasteriis Reli-
giosorum Recollectionis utriusque sexus, nunc, & pro
tempore existentibus, excepto Monasterio Monialium
Recollectionum Oppidi Madriti, quia hoc Monasterium
debet remanere sub eadem obedientia, sub qua modò
militat.

§. 11. Item quod Patres Recollecti non possint af-
filiere Capitulis generalibus, vel Provincialibus Cal-
ceatorum, neque in illis habere vocem, sive activè, sive
passivè, & quoad hunc articulum renuntiant omni actio-
ni, & juri nunc, vel pro tempore quomodolibet eis com-
petenti.

§. 12. Item quod similiter renuntiant, & abdicant à
se quamcumque prætentionem, actionem, vel Jus, quæ
nunc habent, & pro tempore quomodolibet habere, vel
pretendere possunt ad obtinendas Prælationes in Mona-
steriis Calceatorum utriusque sexus illis, vel illius provin-
ciis hucusque annexis.

§. 13. Item pro quanto Recollectio rationabiliter ve-
retur, ne tempus oblivioni mandet tot beneficia accepta
à dicta Religione Calceatorum ejus Matre, statuitur,
quod Vicarius generalis Recollectus infra tres menses à
die suæ electionis teneatur illam præsentare Reverendiss.
Generali Ordinis, qui si fuerit canonica, necessariè illam
confirmet. Et hæc sola præsentatione reservatur Re-
verendiss. Generali super Recollectione: quod si facere
recuset intra quindecim dies ab illius præsentatione, Re-
collectio accedat & recursum habeat pro illius confir-
matione ad Nuntium suæ Sanctitatis in Regnis Hispaniarum
commorantem.

§. 14. Item ob paucitatem suffragiorum, quæ pro
nunc in Capitulo generali vocem habebunt, statuitur
quod Procuratores Provinciales cujuscumque Provin-
cie Discalceatorum in electione Vicarii Generalis ha-
beant vocem activam, sicut Diffinitores Capituli gene-
ralis.

§. 15. Item quod Ministerium Redemptionis solum
spectet Religiosis Calceatis. Et quod Patres Recollecti
non se intromittant in recipiendis legatis à Christi fi-
delibus relictis ad dictum effectum, nec possint petere
in suis Monasteriis, nec extra proredimendis Captivis,
nec habere Cippos, nec Caplas, nec aliquid aliud pro
eleemosyna petenda hac de causa, quia totum hoc debet
mandari curæ, & sollicitudini Patrum Calceatorum
dumtaxat, sicut usque nunc fuit in consuetudine. Et ad
tollendos scrupulos, & sedandas conscientias statuitur
quod nomine partium fiat instantia Sanctissimo Domino
nostro, quatenus dignetur declarare Religiosos Recol-
lectionis liberos, & deobligatos esse ab executione
quarti Voti. Et similiter prædictarum partium nomine
eidem Sanctissimo supplicetur, quatenus etiam digne-
tur communicare, & concedere Recollectioni omnia
indulta, & privilegia, quæ hucusque in favorem Re-
ligionis Calceatorum à Sede Apostolica emanarunt, &
imposterum emanabunt, etiam illa quæ in introitu Redem-
ptionis eidem Religioni sunt concessa, taliter quod ta-
lis extensio dumtaxat fiat quantum ad fructus spiritua-
les, nullum reservando, & non quantum ad jus admini-
strandæ dictæ Redemptionis, & percipiendi fructus,
elemosynas, & alia ad eam quomodolibet spectantia.
Nam quantum ad hoc in perpetuum exclusi, & privati
manebunt.

§. 16. Item quod omnia decreta, & Bullæ Apostolicæ
in favorem Recollectionis concessa adimplantur de
verbo ad verbum, dummodo in totum, vel in parte non
contraveniant his præsentibus Capitulis.

§. 17. Item quod Vicarius Generalis Recollectionis à
Sua Sanctitate electus, statim quod fuerit à Notario
Apostolico requisitus, cum Brevis Apostolico, teneatur

Bullar. Mag. Tom. IV.

exercere suam officium officium, & ante omnia jurando
adimplere in omnibus hæc capitula, & quodcumque il-
lorum, & contrarium faciendo, gratia Sanctissimi intelli-
gatur nullius valoris.

§. 18. Item quod concordia debet fieri à Religiosis
Calceatis, quàm Discalceatis in suis primis Capitulis
generalibus respectivè ratificari. Et quod si quilibet ex
partibus hujus Concordiæ contravenierit, vel in
parte, vel illam non ratificaverit, videatur amittere jus
quod habebat contra aliam, & similiter incurrere in
penam viginti mille ducatorum applicandorum alteri
parti.

§. 19. Item quod unanimiter ab utraque parte sup-
plicetur Suæ Sanctitati ut dignetur approbare, & con-
firmare hanc Concordiam per viam motus proprii, vel
alio meliori modo sibi benefico, ut in toto finis im-
ponatur litibus inter dictos Religiosos pendenti-
bus.

§. 20. Item quod supradicta capitula, & conventio-
nes ad majus robur, & vim illorum à Procuratoribus
generalibus Calceatorum, & discalceatorum prædi-
ctæ Religionis suis nominibus subscribi, & firmari de-
beant.

§. 21. Nos felici ejusdem Congregationis regimini,
& gubernio, quantum cum Domino possumus, con-
sultare volentes, de Venerabilium fratrum nostro-
rum Sanctæ Romanæ Ecclesiæ Cardinalium nego-
tiis regularium præpositorum consilio, motu pro-
prio, & ex certa scientia, ac mera deliberatione nostris,
omnia, & singula capitula prædicta, & in eis contenta
quæcumque, citra tamen Dispensationem super quarto
Voto hujusmodi, Apostolica auctoritate tenore præ-
sentium perpetuè approbamus, & confirmamus, illis-
que inviolabilis Apostolicæ firmitatis robur adjicimus,
atque omnes, & singulos, tam Juris quàm facti defe-
ctus, si qui desuper quomodolibet intervenerint, sup-
plemus.

§. 22. Insuper pro hac vice tantum dilectum filium
Joannem de Sancto Josepho, alias Maroto, ejusdem
Congregationis Vicarium Generalem, cum omnibus, &
singulis privilegiis, auctoritatibus, gratiis, favoribus,
facultatibus, & indultis, ac aliis modo, & forma supra-
dictis, auctoritate, & tenore prædictis facimus, consti-
tuimus, & deputamus.

§. 23. Decernentes præsentem litteras semper, & perpe-
tuè validas, firmas, & efficaces existere, & fore, suosque
plenarios, & integros effectus sortiri, & obtinere, di-
ctæque Congregationi, & illius professoribus in omni-
bus, & per omnia plenissime suffragari. Sicque per quos-
cumque Judices ordinarios, & delegatos, etiam causa-
rum Palatii Apostolici Auditores, ubique judicari, & de-
finiri debere, ac irritum, & inane quicquid fecus super
his à quoquam quavis auctoritate scienter, vel ignoran-
ter contigerit attentari.

§. 24. Quocirca Venerabilibus fratribus nostris Ale-
xandro Patriarchæ Alexandrino, modesto, & pro tem-
pore existenti nostro, & Sedis Apostolicæ in Regnis
Hispaniarum Nuntio, & Archiepiscopis, & Episcopis,
in quorum diocesis domus, Monasteria, & alia co-
rundem fratrum Discalceatorum regularia loca erecta,
& instituta sunt, ac pro tempore erigi, & instituti con-
tingerit, per præsentem committimus, & mandamus, qua-
tenus ipsi, vel duo, aut unus eorum, per se, vel alium,
seu alios præsentem litteras, & in eis contenta quæcumque
ubi, & quando opus fuerit, & quoties pro parte eorun-
dem fratrum Discalceatorum fuerint requisiti, solemniter
publicantes, eisque in præmissis efficacis defensionis
præsidio assistentes, faciant auctoritate nostra Fratres
Discalceatos prædictos præmissorum omnium & singu-
lorum effectum pacificè frui, & gaudere, non permitten-
tes eos desuper à quoquam quomodolibet indebitè mole-
stati, contradictores quoslibet, & rebelles, ac præmissis
non parentes, per sententias, censuras, & pœnas Ec-
clesiasticas, aliaque opportuna Juris, & facti remedia,
appellatione postposita, compellendo, invocato etiam
ad hoc, si opus fuerit, auxilio brachii secularis. Non
obstantibus felicis record. Bonifacii Papæ Octavi præ-
dictis

Concordia utriusque sexus
Supplicatio ad Sanctissimum
Subscriptio prædictarum Capitulum
Hic Sanctissimus Pontifex prædicta omnia capitula approbavit, & confirmavit.
Vicarium Generalem
Clausulas hujus Constitutionis præservari debent
Executores deputati

decessoris nostri de una, & in Concilio generali edita de duabus dietis, dummodo ultra tres dietas aliquis auctoritate presentium ad iudicium non trahatur, aliisque quibusvis constitutionibus, & ordinationibus Apostolicis, necnon dicti Ordinis etiam iuramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Ordini, illiusque Ministro generali, ac quibusvis aliis superioribus, & personis, sub quibuscumque tenoribus & formis, ac cum quibusvis clausulis, & decretis in contrarium praemissorum quomodolibet concessis, confirmatis, & innovatis, quibus omnibus, & singulis, eorum omnium tenores presentibus pro plenè & sufficienter expressis habentes, illis aliis in suo robore permanentibus, hac vice dumtaxat specialiter, & expressè derogamus, ceterisque contrariis quibuscumque.

Transumptis etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis eadem prorsus fides habeatur, quae ipsi presentibus haberetur, si forent exhibitae vel ostensae.

Datum Romae apud S. Petrum, sub annulo Piscatoris, die 26. Novemb. 1621. Pontificatus nostri anno primo.



CONST. XV.

URBANI VIII.

Summarium Literarum in forma Brevis.

Statuit Pontifex, quod in universo Ordine Redemptorum B. Mariae de Mercede Festum S. Raymundi Nonnati, cum officio & Missa de communi Confessoris non Pontificis, juxta rubricas Breviarii, & Missalis Romani futuris perpetuis temporibus liberè, & licitè celebrari possit, & valeat.

URBANVS PAPA VIII. Ad perpetuam rei memoriam.

Domini N. I. C. qui servos suos aeternae gloriae praemio donat in caelis, vices quamquam immeriti gerentes in terris, ex injuncto Nobis pastoralis officii debito procurare tenemur, ut eorumdem Servorum Christi debita veneratio in dies magis promovètur, & laudetur Dominus in Sanctis suis. Quamobrem fidelium quorumlibet, praesertim verò divini numinis obsequiis sub suavi Religionis jugo famulantium votis, quae peculiarem Sanctorum hujusmodi cultum respiciunt, libenter annuimus, prout conspicimus in Domino salubriter expedire.

Sanè dilectus filius Joannes de Quintanilla Procurator Generalis Ordinis Fratrum B. Mariae de Mercede Redemptionis Captivorum, totius Ordinis hujusmodi nomine Nobis nuper exponi fecit, quod universus Ordo praedictus, pro eo quem erga Sanctum Raymundum Nonnat. ejusdem Ordinis, dum vixit, professorem, ac sanctae Romanae Ecclesiae Cardinalem gerit devotionis affectu, ac ad augendam Christi fidelium erga illum devotionem, Officium, & Missam de eo, ut infra, recitari & celebrari posse summopere desiderat: Quare nobis humiliter supplicari fecit, ut piis hujusmodi votis annuere de benignitate Apostolica dignaremur.

Nos igitur Ordinem praedictum specialibus favoribus, & gratiis prosequi volentes, ac singulares ejus personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa laetis, si quibus quomodolibet innodatae existunt, ad effectum presentium dumtaxat consequendum, ha-

Sanctis Pontificis, quod P. S. R. Raymundi, in universo Or. d. de celebrari, & in Rub.

rum festis solventes, & absolutas fore censentes, supplicacionibus ejusdem Joannis quo supra nomine nobis super hoc humiliter porrectis inclinati, & Venerabilium Fratrum nostrorum Sanctae Romanae Ecclesiae Cardinalium sacrae ritibus praepositorum consilio, quod de cetero perpetuis futuris temporibus in universo Ordine praedicto Festum sancti Raymundi hujusmodi cum Officio, & Missa de communi Confessoris non Pontificis, juxta rubricas Breviarii, & Missalis Romani celebrari liberè, & licitè possit, & valeat, Apostolica auctoritate tenore presentium facultatem concedimus, & impartimur.

Non obstantibus constitutionibus, & ordinationibus Apostolicis, ac quatenus opus sit, dicti Ordinis etiam iuramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Volumus autem, quod presentium transumptis, etiam impressis, manu alicujus Notarii publici subscriptis, & sigillo alicujus personae in dignitate Ecclesiastica constitutae munitis eadem prorsus fides in iudicio, & extra adhibeatur, quae presentibus ipsi adhiberetur, si forent exhibitae, vel ostensae.

Datum Romae apud S. Mariam Majorem, sub annulo Piscatoris, die 9. Maii 1626. Pontificatus nostri anno tertio.

Scipio Cobellinus.

CONST. XVI.

Alterius Brevis Summarium.

De consilio Sacrae Congregationis rituum, maturatione discussionis, ac ad majorem Sanctorum gloriam tribuit Pontifex plenam, & liberam facultatem, ut in universo Ordine PP. Redemptorum S. Mariae de Mercede perpetuis futuris temporibus celebrari possit Festum Beatiss. Patriarchae S. Petri Nolasci, cum Officio, & Missa de communi Confessoris non Pontificis, juxta rubricas Breviarii, & Missalis Romani.

URBANVS PAPA VIII. Ad perpetuam rei memoriam.

Domini nostri Jesu Christi, qui servos suos aeternae gloriae praemio donat in caelis, vices quamquam immeriti gerentes in terris, ex incumbenti Nobis munere tenemur procurare, ut eorumdem servorum Christi debita veneratio in dies magis promovètur, ac laudetur Dominus in Sanctis suis. Quamobrem fidelium quorumlibet, praesertim verò sub suavi Religionis jugo Altissimo famulantium votis, quae peculiarem ipsorum Sanctorum cultum respiciunt, libenter annuimus, ac favoribus prosequimur opportunis, prout conspicimus in Domino salubriter expedire.

Sanè dilecti filii Didacus de sancto Raymundo Fratrum Discalceatorum nuncupatorum Ordinis Beatae Mariae de Mercede Redemptionis Captivorum, necnon Lydovicus de Apparitione Fratrum Calceatorum, eorumdem Fratrum nominibus Nobis nuper exponi fecerunt, quod Fratres praedicti pro singulari, quem erga Sanctum Petrum Nolascum dicti Ordinis fundatorem gerunt devotionis affectu, ac ad augendam erga illum devotionem, Officium, & Missam de eo, ut infra, recitari, & celebrari posse summopere desiderant. Quare illis eadem ut supra nominibus Nobis humiliter supplicari fecerunt, ut eis desuper opportunè providere de benignitate Apostolica dignaremur.

Nos igitur piis eorumdem fratrum votis hujusmodi annuere, illosque specialibus favoribus, & gratiis prosequi volentes, & eorum singulares personas à quibusvis excommunicationis, suspensionis, & interdicti,

Qui facti sunt, & in Rub.